

tionndaidh sinn a dh'ionnfuidh na làimhe deise, no na làimhe clithe, gus an d'théid sinn seach do chrìochan.

18 Agus thubhairt Edom ris, Cha d'théid thu seachad orm ^a, an t-eagal leis a' chlàidheamh gu'n d'thig mi mach a't' aghaidh.

19 Agus thubhairt clann Israeil ris, Imichidh sinn air an rathad mhòr : agus ma dh'òlas mi féin agus mo spréidh do d'uisge, bheir mi luach air a shon : a mhàin gun tuille *dhean-amh*, théid mi troimhe do m'chois.

20 Agus thubhairt e, Cha d'théid thu troimhe. Agus thàinig Edom a mach 'na aghaidh le mòr shluagh, agus le làimh thréin.

21 Mar fo dhiùlt Edom do Israel comas dol troimh a chrìch : uime sin thionndaidh Israel uaith.

22 Agus ghabh clann Israeil, *eadhon* an co'-chruinneach uile, an turas o Chades, agus thàinig iad gu sliabh Hor.

23 Agus labhair an Tighearna re Maois agus re h-Aaron ann an sliabh Hor, làimh re crìch fearainn Edoim, ag ràdh,

24 Cruinnichear Aaron a chum a shluaigh : oir cha d'théid e seach do'n fhearann a thug mise do chloinn Israeil, a chionn gu'n robh sibh ceannairceach 'an aghaidh m'fhocail-sa aig uisge Mheribah.

25 Gabh Aaron agus Eleasar a mhac, agus thoir suas iad gu sliabh Hor :

26 Agus buin eudach do Aa-

ron, agus cuir air a mhac Eleasar e : agus cruinnichear Aaron a chum a mhuinntir, agus gheibh e bàs 'an sin.

27 Agus rinn Maois mar a dh'aithn an Tighearna : agus chaidh iad suas gu sliabh Hor, ann an sealladh a' cho'-chruinnich uile.

28 Agus bhuin Maois eudach do Aaron, agus chuir e air Eleasar a mhac e ; agus fhuair Aaron bàs 'an sin air mullach an t-sléibh ; agus thàinig Maois agus Eleasar a nuas o'n t-sliabh.

29 Agus an uair a chunnaic an co'-chruinneach uile gu'n d'fhuair Aaron bàs, rinn iad bròn air son Aaroin deich laithean 'ar fhichead, eadhon tigh Israeil uile.

C A I B. XXI.

AGUS an uair a chuala rìgh Arad an Canaanach, a bha chòmhnuidh 'fan airde deas, gu'n d'thàinig Israel air slighe an luchd-brathaidh ; 'an sin chog e 'n aghaidh Israeil, agus rinn e cuid diubh 'nan ciomaich ^b.

2 Agus bhòidich Israel bòid^c do'n Tighearna, agus thubhairt iad, Ma bheir thu da rìreadh an sluagh so thairis d'ar làimh, 'an sin sgrìofaidh sinn gu tur am bailtean ^d.

3 Agus dh'éisd an Tighearna re guth Israeil, agus thug e na Canaanach suas *doibh* : agus sgrìos iad gu tur iad agus am bailtean : agus thug iad Horma mar ainm air an àite.

4 Agus ghabh iad an turas o sliabh Hor, air slighe na mara ruaidhe, a dhol m'an cuairt air

^a troimh m' chrìch.

^b piosanaich.

^c mòid.

^d an cathraichean.